

محل مطبعه و اداره :

جفبال اوغلانده امنيت

صندوغى جوارنده

شنكول يقوشنده

۲۲ نومرو

مستطابق

اضطار :

مسلكمزه موافق آثار

جدیدہ مع الممنونیه

قبول اولنور

درج ایدلمهین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاست ، احوال و شئون اسلامیه در بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرلمه دن مقوا بورو ایله کوندریلیرسه سنوی

۲۰ غروش فضلہ آلنیر

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

بشنجی جلد

۲ شوال پنجشنبه ۲۳ ایلول ۳۲۶

عدد : ۱۰۹

بن بو ذات کیمدر ، بیلیموردیم . انجیق آرقداشمک کنندیسنه قارشى طاقیندینی طور حرمتدن ، هویتی اوילה « نه مه لازم ! کیم اولورسه اولسون ! » دستور اهماانه قربان ایدیله جک علی العاده آدمردن اولمادیغنی آکلادم . آره دن اوج بش دقیقه کچر کچمز قارشیمزده کنک کتاب مطالعه سنه طالمسنى ، فرصت بیلهرک آرقداشمه دیدم که :

- اللهی سورسه ک پک مراق ایتدم ، بو آدم کیم ؟
- پک فاضل ، پک محترم بر آدمدر . علوم ریاضیه ده برچوق تألیقاتی ، برچوق تدقیقاتی واردر . وقیله کنندیسندن بر خیلی درس آلمش ایدم ...
- ها ! شیمدی عقلمه کلدی . برقاچ کره بوذاندن بحث ایتمش ایدک .
- اوت ، تا کنندیسى !
- خارجه بر وظیفه سی وارمیدر ؟
- خایر ، متقاعددر .
- أونده نه یله مشغول اولور ؟
- اولا مسلسلکسه عائد اثرلری او قومقله ، ثانیاً ملتک آدم اولماسنه دعا ایتمکله ...

— برنجی مشغله سنده یه جک یوق ، لکن ایکنجیسنه عظم ایرمدی . چونکه بویله دعا کولقده قرار ویره جک اولدقندن صوکره او قدر چالیشمه یه نه لزوم واردی ؟ او شیمدی او کرندیکنی او کرتمی ؛ او قودینغی او قوتلی .

— طوغری سویلیورسک اما او قویه جق آدم نرده ؟ یوقسه امینم که بش اون کیشی چیقوب بو ذاته : « افندیم ، شوراده بر درسخانه آچدق ، علوم ریاضیه تدریسنى ده سزه بر اقدق ، لطف ایدیکز . » دیسه مع الممنونیه قبول ایدر . لکن نه فائده که یاشنی باشنی آلانلر او قویه جق حالده دکل ؛ کنجیلرده او قومنه ک لزومنی آکلامق ایچون غالباً اختیاراتق دورینک قدومنی بکلیورلر !

یکرمی سسنه قدر اولیور . طوغوب بو بودیکم ، بوتون برلی سکنه سنی طانیدینم محله مزده یکی بر آدم کورلمیه باشلامشدی . محله قهوه سسنه هیچ چیقمايان ، « کتابلری تمام ایکی مهاجر عربیه سیله طاشینان » بو یکی کراجی حقنده او قدر غریب سوزلر سویانمشدی که زواللی آدم ذهله رده عادتاً خیرچینلک ، تیتیزلکک ، قابالک بر تمثالی کسیده شدی .

لکن طوغروسنى سویله مک لازم کلیرسه یکی کراجینک ملکیتی تمثیل ایدن باک ، منور سیاسی بوتون او شایعه لری ، دیکله ینلرک دکل ، سویله ینلرک نظرنده بيله حکمسز بر اقیوردی .

بر جمعه کونی اوج بش آرقداش بو یکی کراجی یی زیارته کیتدک . آمجمنز بزی غایت سویملی بر یوزله قبول ایتدی . یالکیز قهوه اکرام ایدمیه جکنی سویلیدی :

— عفو ایدرسکیز ، رفیقهم اختیار بر قادیندر ؛ ایش کوره جک

بو عقد حیاتیته ده نفت و نفخ ابدی قوت قوه نباتیه در . چونکه بو قوت بدنک جمیع جهاتدن یعنی ابعاد ثلاثه دن ترایدینی موجبدر . صناعات بشریه دن هیچ بر شی یوقدرکه بر جسمک ترایدی ایچون اجزاسنک بر جهتدن دیگر جهته نقلندن بشقه صورته اجرای معامله ایده بیلین . مثلاً دمیرجی بر قطعه حیددی طولاً تزید ایتک ایستره بالطبع عرض و ثخنندن تنقیصه مجبوردر . یا اودرکه خارجدن دیگر بر قطعه حیدد ايله تلافی مافات ایدر .

قوه نباتیه ايسه باطن بدنه اغذیه یی تنفید وادخار ايله فعل تمثلی اجرا ایتمکده اولدینندن اعضای بدن جمیع جهاتدن تزید ایتمکله قوه نباتیه هر شیدن زیاده نفت و نفخه مشاهددر . بناءً علیه نقائاتدن مراد عقد حیاتیته یی هر طرفدن تمیه ایدن قوه نباتیه اولمش اولورکه بو حالک دخی بالکلیه بدنه نما بخش اولدینی وارسته بیاندر .

نفس انسانی ايله قوه نباتیه ارسنده واسطه قوه حیوانیه اولمقله . قوای حیوانیه قوای نباتیه دن اول ذکر اولمشدر .

خلاصه دنیه بیلیرکه قوه حیوانیه وقوه نباتیه ک نفس نورانی انسانیه ایراث ایتدیکى مضرر تار علائق بدنیه ک کسب قوت ایلیمسیله ملکوت سماوات وارضی احاطه دن محرومیت و نقوش باقیه ايله عدم انتقاشه محکومیتدر .

ومن سر مامر اذا مسر :

بو آیت جلیله ده بدن و بالعموم قوای بدن ارسنده کی منازعات اراده بیورلمشدر . و یاخود نفس ايله بدن ارسنده کی منازعه یه اشارت قیلنمشدر .

اولا (ومن شر النفثات فی العقد) آیت کریمه سنده تغذیدن حصوله کلن شرور و مضرر اته اشارت بیوریلوب بو آیت کریمه ده صورت عمومیه ده جمله سی اراده اولمشدر .

بوراده آدم ايله ابلیس ارسنده کی حسد دخی شایان ذکر کوریلان مواددندر .

خلاصه : بو سورة شریفه ده قضاء الهیه شرک کیفیت دخولی و شرک اولاً وبالذات مقصود اولیوب ثانیاً وبالعرض قصد اولمش اولدینی و نفس انسانی ایچون منبع شر قوه حیوانیه و نباتیه و علائق بدنیه بولندینی بیان اولمشدر .

بو قوتلر نفس نورانی ایچون هر دم تولید وبال وکلال ایلیمکده اولورسه آنلردن اعراض ایده بیلن ، نه خوشخالددر ! ! ! . و بولردن مفارقت ایدوب کالات ايله کسب تعلق ایدنلرک لذائذ روحانیه لری نه عر مدر ! ! ! ! ! .

رزقنا الله تعالی التجرد التام والتأله الكامل

تم بعون الرب المنال

شرف الدین

اسکی خاطره لر

دون کیجه پک سودیکم بر آرقداشمه اولریمزه دونیوردق . واپورده قارشیمزه اللی بش ، آلمش یاشلرنده قدر بر آدم کلدی . آرقداشمه آشنالق ایتدی ، او طور دی .

حالده دکل. خدمتجیمز یوق. بن سزی براقوب قهوه پیشیرمکه مشغول اولسه طبیعی اونیده سز ایسته میه جکسکز ...

— امان افندیم. قهوه یی هر یرده ایچه بیلیرز. لکن افندیمرک مجلسنی بر یرده بوله مایز..

حقیقت خانه صاحبک اوج چاریک قدر سورن مصاحبه سی او قدر لطیف، او قدر مفید او قدر یوکسکدی که ساعتیچه دوام ایته ییدی اوصافق شویله طورسون، دویمیه جقدق.

لکن دها بکله میه امکان یوقدی؛ چونکه آد مجنز سوزنی بیتیر بتیرمن آرتق کندیسینی یالکز براقساز لازم کله جکینی غایت آجیق بر لسان ایله آکلامشدی. بز بومبارک ذاتک الی اوپوب چیقارکن آره صره مجلسندن استفاده ایده بیلیرمی یز دییه صورددق. جمعه کونلری نمازدن صوکره بر ساعت قدر بزمله مشغول اوله بیله جکینی سویلیدی. آرتق یکی کراجینک خیرچینلی، قبالی حقنده کی روایتلرک نره دن میدان آلدیغی نظریمرده پک عیان ایدی: هیچ شبهه یوق، بیچاره نک حجرة سعی وعرفانی محله قهوه سینه چویرمک، تحریات حکمانه سینه حصر ایده جکی قیمتی زمانی سبزه پیاسه سندن بحث ایله کچیرمک ایچون آقین آقین کلدیار، ایستدکلرینی بوله مایچه آد مجنز هجوم ایستدیلر. ارقداشلرم دمن ایشتدکلری سوزلردن او قدر محظوظ اولمشلردی که اولجه ایرتسی جمعه ایچون ترتیب ایتمش اولدقلری اکلنتی بی بیگ جان ایله فدا ایتمشلردی.

اوزاتمایلم، برنجی مجلسندن دها پارلاق اولان ایکنجی مصاحبه اوزرینه شو آدمندن درس او قوسه ق تمیسی بشمزی ده اشغاله باشلادی. اوبرزیارتمزده الی اوپوب چیقارکن آیری آیری رجاده بولونددق. — چو جوقلر! سزار قومق ایستورسکز. . . کوزل آرزو. لکن بندن اوقویه بیلیمک ایچون برچوق صیقینیته قاتلامتی لازم که بن سزده اوتحملی کوره میورم. اولاد درس زمانلرینی بن تعیین ایده جکم. برده بومعین زمانلرده بشکز بردن حاضر بولونه جقسکز. صوکره، سویلیه جکم سوزلری جان قولاغیله دیکلیه جکسکز. اکلایه مدیفکسز مباحثی اکلامش کبی کورونمیه جکسکز یعنی تکرار تکرار صوره. جقسکز. هله بن هانکی اصولی، هانکی کتابی ایسترسه م بلااعتراض قبول ایده جکسکز. بوشرائط داخنده اوقویه بیله جکسه کز باشلایلم. یوقسه نه کندیکزی یورک، نه بنی!

— باش اوستنه افندیم، هپسینی قبول ایتدک. حتی بر بوقدر تکلیفکسز دها اولسه ییدی اونیده قبول ایدردک. حمد اولسون چو جوق دکلز. عقی باشنده آدم لرز. هیچ افندیمر، اوقیمتی زمانکزی بزم متفعمزده فدا ایتک قدر بویوکک کوستر یرسکزده بز چالیش. مازلق ایدرمی یز؟

— پک اعلا! جمعه کونلری ساعت طقوزده، صالی اقشاملری کیجه ساعت ایکی بوچوقده کلیر، بر ساعت او قور، کیدرسکز. ایرکن کلک، یاخود کچ کیتیمک، یاخود براقشام کلیوبده اونک یرینه برباشقه اقشام کلک کبی یولسزلقلری اصلا خوش کوره م. ایی دوشونک. ایلک صالی اقشامی دقیقه سی دقیقه سینه بش ارقداش خواجه مزک

اونینه کیتدک. درسه باشلامازدن اولسویه معلوما تمزی اکلامق ایچون هر بریمزه بر قاج سوز سویلیدی.

— چو جقلر، آکلاشیلیورکه سبز برشیلر اوقومشسکز، لکن پک ایی کوریلورکه بر شیلر آکلامشسکز! ها! شیمدی او اسکی ارقودقلریکزی کاملاً اونودده رق بنی دیکلیه جکسکز. سزکله اوله حسابدن، همده حسابک تاباشندن باشلایه ججز ...

فی الحقیقه بزی حسابک باشندن باشلاتان خواجه من اعداد حقنده اوله معلومات ویردی که آکلاماق، آکلادقدن صوکرده حیران اولماق قابل دکلدی.

ایکنجی درسک تصادف ایتدیکی جمعه کونی خواجه نک اونینه بش دقیقه کچ کیتمشدک. زیرا ارقداشلریمزک ایکسینی وقتیه کله مه مشای. خواجه تاخرک سببنی خشین بر چهره ایله صورمقدن کری قالمشای. دردنجی درسده ایچمزدن بری هیچ کله مدی. بشنجیده ایسه اوج کشی بولوشوب کیده بیلدک. ایکی ارقداشمزک بری درسه باشلانددق، یارم ساعت صوکره، دیکری درس بیتمسینه اون دقیقه دن آرزمان قاله بیتشه بیلدی. — آکلاشیلیدی چو جوقلر! سز درسدن زیاده نصیحت آلمیه محتاج ایمشسکز! هانی او تعهدلریکز زده قالدی؟

هانی سز خیرینی، شرنی طانیر آدم لر ایدیکز؟ لکن قباحت سزده دکل .. قباحت بنده که شیمدی به قدر ایتدیکم تجربه لره قائمادمده حالا بو مملکتده آدم آرییورم، حالا سزک کیلیرینک صورت حقندن کورونمسه آلدانورم!

طوغری! خیریکزی، شریکزی طانیورسکز .. لکن سزی خیره سوق ایچون آرقه کزدن صوبایی، شردن منع ایچونده کوکسکزدن دیچیکسی اکیسک ایتمه ملی ... چونکه ایلاک تربیه یی بو صورتله آلیورسکز ... ایچمزدن بری اورته ده بو قدر حده محل کوره مدیکنی سویله مزمی! .. خواجه نک صبری، سکینتی بوسبوتون آلت اوست اولدی:

— نه دیمک! دنیاده دها نه یه قیزیلیر؟ بن صرف الله رضایی ایچون سزه قارشنی بر تعهدده بولوندم؛ سزده صرف کندی منفعتکز ایچون بکا قارشنی بر تعهدده بولوندیکز. شمدی سز سوزکزده طور میورسکز، یالنجیلقی ایدیورسکز، بنم اولانجه انتظامی، راحتی بوزیورسکزده حالا میدانده قیزه جق نه وار دییورسکز! هایدی شورادن جهنم اولاک!

خواجه نک اونندن سوکلوم بوکلوم چیقددق. ایکی اوج کون صکره بن یالکز جه کیده رک درسه دوام ایتک ایستدسه ده قاپی اچان بیله اولمادی. ایشته دون کیجه کوردیکم بو متقاعد ریاضی وقتیه باشمزدن کچن شو ماجرای عقله کتیردی. نه یلان سویلیه یم اوتنه دن بری غایت نیکیین اولدیغیم حالده آرقالیدی بر چوقلری کبی بنده بدین کسینه جکدم. باقیورم، آیری آیری پک ایی آدم لرز. بزی مدیتنده دنیالر قدر کریده براقان ملتلرک افراننده بزده کی بویوککلر یوق. صکره باقیورم بریره کلنجه برهیئت اجتماعیه تشکیل ایده میورز، چونکه اوتریه دن محرومن. ایشته بزم محتاج اولدیغمز تربیه اصل بو ایکنجی تربیه اوله جق.

محمد عاکف